

## آه يا وجع القلوب

إيه الي ممكن أعمله؟!  
علشان أرضي الي حوالية  
جرح قلبي مستحمله  
ومن غير دموع  
باين ف عنيه  
طيبتي يفسر وها  
على إنها شيء تاني  
خوف، وضعف،  
ولاً ليها اسم تاني  
كلمة صعب أقولها  
تقيلة على لساني  
نفسي أعلمك يا قلبي

تنسى اللي ينساني  
وتكون قوي زيهم  
لما يوقفوا قدامي  
ما تسمحلهمش يا قلبي  
يهدوا فكياني  
نفسى أقفل بيان الطيبة  
واتحول لشراني  
بس منين أجيب القوة  
وطيبتى منعانى؟!  
مفيش بإيديه حيلة  
ولا هقدر أتغير  
مانا عارفك يا قلبي  
بتسامح وبتقدر  
علشان هم حبايبك